



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput I. (a) Alexand. III.

[urn:nbn:de:hbz:466:1-74526](#)

* * * * *

TITVLVS XLII.

De Baptismo , & ejus effectu.

C A P U T I .

(a) Alexand. III.

Si quis puerum ter in aqua (b) immerserit in nomine Patris, & Filii, & Spiritus sancti. Amen; & non dixerit: Ego te baptizo in nomine Patris, & Filii, & Spiritus sancti: non est puer baptizatus.

N O T A E .

(a) **A**lexander III.] Ita etiam legitur in secunda collectione, sub hoc tio, cap. 1, nullibet tamen exprimitur cui rescribat Pontifex; recte tamen Illustrissimus Manrique tom. 3. annal. anno 1176. cap. 6. existimavit rescribere Alexandrum Pontio Episcopo Claromonti, qui ex Abate Clarevalenti assumptus fuit ad eam Ecclesiam. Ut autem hoc faciliter videatur, & praesentis Decretalis occasio agnoscatur, sciendum est, morem illum in Gallia invaluisse, ut cum in casu necessitatis aliquis laicus baptismum ministrabat, illa priora verba, *Ego te baptizo*, non proferret, forsan modestiae causâ, ea ministri ordinariis, & sacris reservans: & ita tantum infantes mergebant in aquam ea verba proferentes: *In nomine Patris, & Filii, & Spiritus sancti*. Quare cum quidam laicus filium ita baptizasset, ex ea muliere suscepimus, cum qua contracturus erat matrimonium, dubitavit an impedimentum cognitionis spiritualis matrimonium impediens inde contraxisset? Consuluit proprium Episcopum, Pontium videlicet Claromonti, qui duos egregios, & perdoctos viros tunc in Gallia florentes, Mauricium videlicet Parisiensem Episcopum, & Stephanum tunc Abbatem S. Eburii, mox sanctæ Genovefae, demum Episcopam Tornacensem consuluit sequentibus litteris, quæ reperiuntur inter epistolas Stephani Tornaci, cum epistolis Joannis Sarisbar. in hæc verba: [Reverendissimo Patri & Domino Pontio, venerabilis Claromontensi Episcopo: Mauricius Parisiensis Ecclesia humilis Minister, salutem, & obsequii plenitudinem. Super quo Celsitudo vestra noslram consuluit parvitatem, breviter respondemus: Quia in quem modum forma Baptismi tradi, vel recipi debet, Scripturarum divinarum auctoritate, & Sanctorum Patrum testimonio traditum habemus in hunc modum, scilicet: Ego te baptizo in nomine Patris, & Filii, & Spiritus sancti; & tandem est verborum vivacitas, ut nihil immutari, nihil innovari oporteat: nisi verè tota hæc verba simul à quocunque, & quacunque lingua proferantur, Baptismum esse non credimus. Quia ergo, sicut litterarum vestiarum testimonio cognovimus, præsentium lator in submersione filii sui, Ego baptizo, filius; & tandem, In nomine Patris, & Filii, & Spiritus sancti protulit, Baptismus non fuit; & ideo puer ille baptizandus est, quia Baptismum nunquam suscepit. Itaque de reliquo nulla superest quæstio. Vale.] Ita Mauricius, Longiori epistola Stephanus respondit, contrariam partem adstruens, opinionis captandæ, si cum Mauricio inciperet contendere; an veritatis statuende causâ, dubium: certè in re nondum adhuc definita adeo subtiliter, ut Pontius perpenitus ejus ratio-

rationibus, auctoritatibusque, Alexandrum consuerit consulendum. Porro ejus responsum in epistola, quæ est ordine quinta, ad veramque questionem (namque valor Baptismi presupposuit secundum locum dabit,) hæc habet verba: [Sanctissimo Patri, & Domino Pontio Claramontensi Episcopo, frater Stephanus de sancto Eburio, salutem, & cum omni devotione reverentiam. Premit, fateor, imperitam meam, & quærentis auctoritas, & novitas questionis. Accedit moles verecundia meæ, Pater, quod in tanta consultatione vestra Domino Parisiensi me jungitis, camelo culicem, cedeo carduum, Hyllam Herculi comparantes. Scriba doctus in regno coelorum proferre de thesauro suo nova, & vetera, questionibus vestris in profunditate sensus, & sublimitate scientie respondit, & cœlesti oraculum suum faciliter vobis absolvit epistolâ. Felix lingua! Divinam ejus responsione, ut Thebais Æneas longè sequor, & vestigia semper adoro. Moverer in contrarium, slabisque sacris ejus apicibus mihi questione moveretur.] Hactenus Stephanus humiliter de se ipso: at de questione in contrarium partem decisa, seu decidera, ut ipse videbatur, ita subjungit: [Qui sacramentum instituit Baptismi, formam tradidit baptizandi. Ita, inquit, docete omnes gentes, baptizantes eos in nomine Patris, & Filii, & Spiritus sancti. Qui potestatem baptizandi sibi retinuit in hac forma, mysterium alius concessit? Nemo dixerit, quia quod dicitur: Ita, docete omnes gentes, vel lacramenti obtineat substantiam, vel exprimat formam. Teneamus, quod sequitur: Baptizantes eos in nomine Patris, & Filii, & Spiritus sancti. Nondum ibi legi: Baptizantes eos, & dicentes: Ego te baptizo in nomine Patris, & Filii, & Spiritus sancti. Sibaptizare, intingere, & baptifimus intinctio est, quid aliud sunt baptizantes, nisi intingentes? Intingens ergo cum intentione baptizandi, si proficerat, quod Veritas jubet, id est: In nomine Patris, & Filii, & Spiritus sancti baptizant. Nec apud eos de unitate potestatis divina, hoc est, Patris, & Filii, & Spiritus sancti aliquando questione mota est. Sed & P. Augustinus de Ecclesiasticis regulis: Si qui, inquit, apud illos hereticos baptizati sunt, qui in sancta Trinitatis confessione baptizant, & veniunt ad Catholicam fidem, recipiantur quidem ut baptizati, ne sancta Trinitatis invocatio, vel confessio annulletur. Si ab hereticis baptizati in confessione Trinitatis ab Ecclesia recipiuntur, ne Trinitatis invocatio, vel confessio annulletur: quare non baptizarus dicetur, qui à laico catholico dicente: In nomine Patris, & Filii, & Spiritus sancti, tertio mersus est? Nam si hoc non admittitur, confessio, vel invocatio Trinitatis, que sibi facta est, tanquam quæ nihil contulit, annulatur. Idem ad Orosium: Idem baptismus est, & hereticorum, scilicet qui in nomine Patris, & Filii, & Spiritus sancti baptizant: & Ecclesia Catholica. Et ideo eos Ecclesia non rebaptizat, qui in nomine Trinitatis baptizati sunt. Et ipsa est profecta forma sacramentata. Ecce quia formam sacramenti hanc esse dicit, immergere scilicet, in nomine Patris, & Filii, & Spiritus sancti: non additur: Ego te baptizo, vel immergo. Idem de unico baptismo: Nequaquam dubitarem, eos habere baptismum, qui ubique, vel à quibusunque illud evangelicis verbis consecratum, sine simulatione, & cum aliqua fide accepissent. Vide, Pater, quia solis verbis, & evangelicis consecratur baptismus. Nusquam autem in toto Evangelio lego: Ego te baptizo in nomine Patris, & Filii, & Spiritus sancti; sed tantum: Baptizantes in nomine Patris, & Filii, & Spiritus sancti. Sed & Zacharias Papa Bonifacio Episcopo: In Synodo Anglicorum decretum & firmissime præcepit, & diligenter demonstratum esse dignoscitur, quod quæcumque sine invocatione Trinitatis mersus fuisset, sacramentum regenerationis non haberet. Quod omnino verum est, quia si mersus in fonte baptisatus quis fuerit sine invocatione Trinitatis, perfectus Christianus non est, nisi in nomine Patris, & Filii, & Spiritus sancti fuerit mersus. Non ait: Nisi qui baptizat, dixerit: Baptizo te in nomine Patris. Plura possem colligere, Pater, quæ in haec parte me movent, & mota questionis solutionem promovent. Verum quia timeo & prolixitatis argui, & provocitatis notari, parco chartula, parco & tamæ meæ. Opiniones profundo, non assertiones: paratus, ut dixi, summi, & catholici viri Domini Parisiensis sequi vestigia, non tamen adactus in aliquis jurare verba. Clausulam tamen, quæ à baptizantibus solet, & debet dici, scilicet: Ego te baptizo, summa reverentia de osculorum, summo studio amplector. Eam mater Ecclesia sic induxit, ut esset de solennitate mysterii, non de substantia sacramenti. Nam si alius dixerimus, absque medio confitebimus damnatos, quos in necessitatibus articulo novimus à laicis baptizatos. Hoc enim solùm dicere solent, qui litteras ignorantes parvulos undaunt: In nomine Patris, & Filii, & Spiritus sancti. In quibus verbis eadem virtutem inesse, quam in latinis syllabis idem significantibus, & credimus, & fatemur. Vehementer tamen arguendos, & penitentia afficiendos dixerim Sacerdotes, qui vel per negligientiam, vel per imperitiam aliquid omiserint de verborum solenni dignitate. Qui præmissis rationibus fidem adhibuit, baptizatum taliter: In nomine Patris, & Filii, & Spiritus sancti, non iterum baptizabit. Iraque qui sic eum baptizavit, & spiritualis pueri pater, & matris eius compater effectus est. Unde eti uxor ejus prius non erat, impediens compateritatem, iudicio meo, cum ea non contrahet matrimonium, cum qua eti prius contraxisset, secundum quod Deus dedit Papa assentit, nullo modo se in conjugio cum ea recipere. Nec obloquitur, quod Joannes Papa Anselmo Episcopo scribit capitulo, Ad limina B. Petri; ibi namque de coniunctis, hic agitur de modo conjungendis. Et certè multa impediunt matrimonium contrahendum, quæ non dirimunt contractum. Nam & idem Papa in eodem capitulo rationem subdit, quare coniuncti ob talem causam non separantur. Quid fieri, inquit, nullatenus debet, dicente Scripturâ, à Domino junctam esse viro uxorem, & quos Deus conjunxit, homo non separat. Ubi planè loquitur de coniunctis, qui forte alter diceret de conjungendis. Valeat Sanctitas vestra.]

His contrariis responsis, utroque gravi, altero
auto-

auctoritate respondentis; altero, quod negari non potest, subtilitate, effectum est, ut Pontius neutri parti adhærens consuluerit Alexandrum Tertium, qui in praesenti texu respondit, hujusmodi baptisnum nullum esse.

(b) *Ter in aqua immerserit.*] Trina mersio cum invocatione Patris, & Filii, & Spiritus sancti, in principio Ecclesiae celebris, & à Sanctis PP. recepta fuit ad fidem sanctæ, & individuæ Trinitatis, unitatem, & distinctionem stabiliendam, cap. se qui 79, cap. de trina, 80, de consecr. dist. 4. Vigilius epist. 1, cap. 2, ibi: *Derensa centum trina mersione, de baptismō quoque solenniter adimplendo, similius quid Apostolica vel sanctorum, vel obseruet auctoritas, in subiectis tua charitas evidenter agnoscet.* Dionylius Areopag. Eccles. Hierarch. cap. 2. ibi: *Ille quidem à Sacerdotibus secum ferentibus aquam adducitur ad Pontificis manum: Pontifex autem superne adspicit, cum rursum per aquas sub Pontificis manu Sacerdotes eis, qui initiantur, inclamaverint nomen, ter illum Pontifex mergit, ac trinā ellius immersione, & mersione trii beatitudini dividina personas inclamans.* Athanasius q. 174. *Quod infantes ter in aquam immergimus, & ter educimus, mortem & triduanam Christi resurrectionem significamus.* Synodus CP. can. 7. Eunomianus, qui in unam demersione baptizantur, ad Ecclesiam venientes admittimus, sed postea baptizamus. Cyprianus Hicrosolym. categ. 2. Basilius Magnus de Spiritu sancto, cap. 27. Tertul. de corona militis, cap. 3. Denique, ut à Baptismate aggrediar, adiutori conteflamur, nos renunciare diabolo, & pompa eius, & angelis eius: *dehinc ter mergitamur.* Et adversus Præxeam, cap. 16. *Et post resurrectionem respondens missum se discipulis promissionem Patri, & novissime mandans, ut tingerent in Patrem, & Filium, & Spiritum sanctum, non in unum; nam nec semel, sed ter ad singula nomina in personas singulas tingerimur.* D. Augustin. homil. 91. de tempore: *Quando in saluari lavacri tertio Christiani merguntur, tunc & Egyptii, id est originalia peccata, vel actualia crimina, quasi rubro mari sepeliuntur.* Leo I. epist. 4, cap. 3. *Sepulturam triduanam imitatur triduum dierum, & ab aquis elevato resurgentis.* Et cap. mlti, de consecr. dist. 4. Concil. Tolet. 4. can. 5. Gregorius Magnus in lib. sacram. de baptismō infantum, ibi: *Deinde baptizatum Sacerdos sub trina mersione, tantum sanctam Trinitatem invocans, ita dicendo: Ego te baptizo in nomine Patris, & mergat semel; & Filius, & mergat iterum; & Spiritus sancti, & mergas tertio.* Et lib. 1. epist. 41. Alia refert Jodocus Coccius tom. 2. thesauri, art. 5. de baptismō. Immò ex traditione Apostolorum diu id in Ecclesia servatum fuisse, videlicet ut qui ad fidei sacramentum accederent, ter in aqua mergerentur, constat ex S. Basilio lib. de Spiritu sancto, cap. 27, dum inquit: *Jam ter immersi hominem, unde est traditum? reliqua item, qua sunt in baptismō, veluti renunciare satane, & angelis eius, ex qua scriptura habemus?* Nonne ex privata & arcana traditione? Sancto etiam Hieronymo in dialog. adversus Luciferianos: *Exigis ubi scriptum in actibus Apostolorum? Etiamsi scriptura auctoritas non subesse, totius orbis in hac partem consensus in istar præcepti obtineret: nam & multa, que per traditionem in Ecclesia observantur, autoritatem sibi scripta legis usurpaverunt.* Et ex can. 49. Apost. cap. 16 quis 79 de consecr. dist. 4. ita cayetur: *Si quis Episcopus, aut presbyter non trinam mersionem unius mysterii celebret, sed semel mergas in baptismō.*

te, quod dari videtur in Domini morte, deponatur. Immò & ex Christi præcepto trinam merito nem provenire, docuerunt Pelagius in dict. cap. mlti, S. Joan. Chrysost. homil. de fide in Patrem, & Filium, ibi: *Omnibus mysteriis veluti sigillum imponens Dominus in tribus mersionibus aquatum baptismū discipulis suis traditū dicens: Euntes docere.* Sed postea cùm Arrianorum heretici pluribus regionibus, præcipue in Hispania, grafiaretur, multique propterea, quo tres naturas diuinās in tribus personis esse demonstrarent, triā mersione uterentur, vīsum est Gregorio Magno, ut in Hispania sub una tantum mersione baptismū administraretur, ut constat ex epistola 41, ipsius Gregorii, relata à Gratiano in cap. de trina, de consecr. dist. 4. & constitutione Concilii Toletani 4. relata in c. proper 85, de consecr. dist. 4. Quarum constitutionum meminit Walfridus Strabo lib. de rebus Eccles. cap. 26, dum ait: *Alii trinam immersionem volunt in similitudine triduanā sepultura, ut in canonibus Apostolorum statutum habetur, & Romanorum confundito observat: aliū unam, propter divinitatis unitatem contendunt, ut in Concilio Toletano plenissime habeatur, ubi etiam commemoratur, quod B. Gregorius interrogatus super hac Leandro inter cetera, ita responderit, quia in una fide nihil officit Ecclesia confundito diversa.* Unde non est, cur reprehendat Alcuinus epist. 69. Hispanos, quod unica tantum mersione in baptismō uterentur; & oppressus prædicta auctoritate D. Gregorii illam in dubium revocat, quem merito refellit Hugo Menardus in notis ad Sacram. D. Gregorii, fol. 101.

Unde constans est Canonistarum, & Theologorum sententia, ad essentiam, & validitatem hujus sacramenti sufficere quamlibet ablutionem aqua factam, sive per alpitionem, sive per immersionem, ut docent Coriolanus in can. 50. Apost. Loaylas in dict. can. 5. Concilii Tolet. 4. Granados rom. 5. controv. tract. 4. de baptismō, Durantius de ritibus Eccles. lib. 1. cap. 19. num. 36. Brisonius l. die Dominica, C. Theodof. de festalibus, fol. 134. Vicecomes de ritibus baptis. lib. 4. cap. 6. Torreblanca lib. 2 de puro spiritu. cap. 3. Pamilius in notis ad D. Cyprianum, epist. 66. Beccanius rom. 5. opuscul. controvers. 5. fol. 29b. in parv. Nec contrarium docetur in Synodo CP. 1. can. 7. quatenus ibi Patres statuunt: *Eunomianus, qui in una demersione baptizantur, ad Ecclesiam venientes admittimus, sed postea baptizamus.* Nam ab Eunomianis baptizati jubentur baptizari, quia utebantur falsa baptisimiforme, uidetur ei apud Epiphanius libro 3. heresi 56. Quare prædicta Concilii verba non comprehendunt Catholicos, qui verè de Trinitate sentientes, & recta baptisimi formā utentes, unica mersione baptizati sunt. Nec obstat, trinā mersionis usum ex Dominice præcepto, iuxta Chrysostomum, & Pelagius supra relatos, aut saltem extraditione Apostolica, iuxta D. Basiliū, & Hieronymum suprà transcriptos, provenire: sed Apostolica traditiones omnino servandæ sunt, ut latè probat Ayala de Ecclesiadie. Azor lib. 8. mft. cap. 4. Canus de locis Theol. lib. 4. cap. 6. Nam respondeatur, divinum præceptum non extare de trina mersione, sed de invocatione expressa Trinitatis pro forma Baptismi: ad quam referendi sunt Chrysostomus suprà relatus, & Pelagius in dict. lib. cap. mlti, omisso Turriano in explan. Clementis lib. 6. cap. 16. Nec quod de traditione Apostolica dicebanus obstat;

obstat; nam traditiones in duplice sunt differentia, ut exponunt Ayala *súprā*, Vazquez *2. 2. queſt. 2. art. 10. dub. 6.* Aliae enim sunt Divinæ, aliae Apostolicae, Ecclesiasticae aliae. Divinæ dicuntur, quas Apostoli ab ipso Christo Domino accepserunt, vel quas ipsi Spiritu sancto dictante constiuerunt, tanquam electi Magistri, atque Rectores Ecclesiæ; quales sunt canones Apostolorum. Ecclesiastica vero dicuntur, quas usus, & consuetudo Ecclesiæ obseruat. Unde dicendum est, traditiones divinas ad jus divinum referri, & candem cum illo habere auctoritatem, de quibus intelligitur D. Paulus *2. ad Thessalon. cap. 2. ibi: Tene traditiones, quas acceperis, sive per sermonem, sive per epistolam nostram.* Et declaratum fuit in Concilio Tridentino *session. 4.* Traditiones vero Apostolicae candem habent auctoritatem, ac sacri canonnes Apostolorum; & etiam Ecclesiasticae traditiones eandem vim habent, ac constitutiones scriptæ. Unde cum tria mersionis usus ex Apostolica, non vero Divina traditione proveniat, rectè ex rationibus *súprā* traditis immutari potuit. Nec tandem obstat *canon. 50.* Apostolorum, relatus in *cap. si quis presbyter 79. de consecrat. distinct. 4.* Nam canonille prolatus est contra eos, qui invocata tantum Domini morte, sub unica mersione baptizabant: & tantum in eo docetur, contra jus divinum esse, omisa Trinitatis expressa mentione, tantum sub invocatione mortis Christi baptismum conferre: non vero ibi docetur, usum unica mersionis esse contra præceptum divinum. Quæ soluto facile colligitur ex ratione, quam adducunt Apostoli in illis verbis: *Non enim dixit Dominus In mortem meam baptizare; sed: Euntes docete omnes gentes, baptizantes eos, in nomine Patris, & Filii, & Spiritus sancti.* Illud tandem notandum est, olim in tria mersione semel duntaxat forinam prolatam fuisse, ut probat Alcuinus *epiſt. 81.* sed quamlibet mersionem ad expressionem cuiuslibet personæ factam, juxta Divum Gregorium in *lib. sacrament.* & *Tertul. súprā* relatos. Baptizandos vero interrogari ad singulas perlornas, liquet ex S. Ambroſio *lib. 4. de sacrament. cap. 17.* in illis verbis: *Interrogans ei, Credo & in Deum Patrem omnipotentem? Dixisti, Credo, & mersisti. Interrogans ei, Credis & in Dominum nostrum Iesum Christum, & in crinem ejus? Dixisti, Credo, & mersisti.* Tertio interrogatus es, Credis in *Spiritum sanctum?* Dixisti, Credo, tertio, mersisti. Nec intercessit ad valorem baptisimi, ut mersionem sequatur emersio, ut quia urgente necessitate quis infantem morientem in flumen, aut puteum congecerit, ut docent Suarez *z. tom. 3. in 3. part. disputatione 20. sect. 3.* Valentia *3. p. disputatione 4. q. 1. punct. 2.* Aegidius Koninch *3. p. q. 66. num. 68.* Vazquez *3. p. in 3. disputatione 145. cap. 5.* refragantibus Soto, Mollano, & Henriquez apud Theophilum *tract. de sect. infantium, cap. 7. num. 5.*

(c) *Spiritus sanctus.*] Et ita tres personas esse

explicite appellandas, ut baptismus possit valide administrari, constat ex *cap. firmiter de summa Trinitate. cap. si revera, cap. multa, cap. in synodo, de consecrat. disputatione 4.* ex innumeris Patribus probant Vazquez *3. part. disputatione 143. cap. 3.* Gilbertus Schebicavius *lib. 2. de Trinitate. cap. 7.* Scholastici cum Diuino Thomæ *3. part. queſt. 66. articul. 3.* Bellarm. *de baptism. cap. 3.* ex Chriti institutione: cuius institutionis ratio fuit, quod docuerit Dominus, in ipso Ecclesiæ vestibulo, ac cæterorum sacramentorum janua, fieri explicitam, & distinctam propositionem verticis mysteriorum, tum quoad essentialem unitatem, tum quoad personarum multiplicitudinem. Nec obstat, Apostolos baptizasse tantum in nomine Jesu, ut refertur *Actuum Apost. cap. 2. 10. 11. & 19.* Unde existimavit Divus Ambrosius *lib. 1. de Spiritu sancto. cap. 3.* Apostolos in solo Iesu nomine baptizasse, idque sufficisse; quia qui unum dixit, Trinitatem signavit. Convenit Sancto Ambroſio Nicolaus I. *cap. à quodam, de consecrat. distinctione 4.* Sed & Beda in *cap. 10. act. Ambroſium* refert, & una persona expressa reliquas eo ipso signari censet; atque adeo per unitatem nominis expleri mysterium proficitur. Præciverrat Sanctus Athanasius in *lib. de Trinitate. ibi: Nunquid pravaricatores mandati Salvatoris Apostoli effecti, & contra traditionem ejus baptizarunt tantam multitudinem?* Non enim scriptum est, baptizasse eos in nomine Patris, & Filii, & Spiritus sancti, sed tantum in nomine Domini Iesu. *Nunquid ergo pravaricati sunt?* Abiſt: nam hæc filii nomen tantummodo dicatur, habet tamen & Patrem, & Spiritum sanctum pronunciatum. Similia legas apud Ferrandum epist. ad Anatolium. At huc tamen dicendum est cum sancto Cypriano *epiſt. 73.* Fulgentio *lib. de Incarnatione & gratia Christi, cap. 11.* Beda *queſt. 1. 4. variar. baptizatum in nomine I. sū collatum intelligi secundum Christi institutionem cum expressione trium personarum, ut aperte habetur cap. 19. Act.* quia ut insigniter ait Facundus *lib. 1. pro tribus capitulis. cap. 3.* *Quod in nomine Domini Iesu habet, quos memoravimus, baptizati narrantur, non ex eo credendum a: buror, quia non in nomine Patris, & Filii, & Spiritus sancti baptizati sunt, ut etiam in eis servaretur verbum à Domino constitutum forma baptismi; sed quia hoc erat in summum, quod baptismus non fuerat baptizati, sufficere iudicium est, ad discretionem ipsius novi baptismi solum nomen Domini Iesu memorare.* Theophilus *tom. 15. in Heter. fol. 5.* Ant. Perez in *pentat. fides, vol. 4. de R. P. cap. 3. num. 76.* Macceo de *clavibus Petri, lib. 4. cap. 5.*

In praesenti textu repetentes exponunt formam sacramenti Baptisimi, quam nobis audiendis ex suggestu illustravit perdoctus, & semper colendus D. Martinus Lopez de Ontiberos, Archiepiscopus Valentinus in *tract. de bapt. art. 3.* à quo Doctor Garanna praesentem repetitionem transcriptis.

C A P U T III.

(a) Alexand. III.

DE quibus dubium est, an baptizati fuerint, baptizentur his verbis præmissis: Non te rebaptizo; sed si nondum baptizatus es, ego baptizote.

D.D. Gonzal. in Decretal. Tom. III, Pars II.

H h h

NOTÆ.